

ricas transferens. AVT IN PVLVINA-
 TIS COLUMNIS, ET IONICIS
 EPISTYLIIS EXPERIMENTVR
 TRIGLYPHI. Ionicarum columnarum capitula
 sunt puluinata, vnde & puluinatae columnae vocari po-
 tuerunt. At non in earum Zophoris (quae freggia vulgo
 vocantur voce vt existimo a phrygionibus qui acu fa-
 ciunt ducta, vt enim illorum opera acupicta figuris qui-
 buslibet insigniuntur, ita Zophororum fere ratio, scal-
 pturam desiderat) triglyphi scalpuntur, quorum guttae de-
 pendent in Epistylia vt lib. iiii. cap. iii. docet, sed sunt
 Doricarum. Illarum autem Zophori sunt puluinati, id est
 subtumentes in circulum, id est delumbata circinatione
 rotundi. In quibusdam exemplaribus pro puluinatis co-
 lumnis, scriptum est puluinatis capitulis, vt lib. iiii. cap.
 vltimo. SIC VBI CVLIS ET BIBLIO-
 THECIS AB ORIENTE LVMINA
 CAPIENTVR. &c. De balneis lib. v. cap. x.
 De reliquis quas caeli regiones spectare debeant, idem
 scribit lib. vi. cap. vii. ET AD PECVNIAE
 COPIAM, ET AD ELEGANTIAE
 DIGNITATEM AEDIFICIA ALTE
 DISPONENTVR. Fœeratoribus & publica-
 nis aedificia commodiora & spaciosiora & ab insidiis tu-
 ta esse facienda scribit lib. vi. cap. viii. vt hoc loco scri-
 bendum sit, aliter, non alte.

CAP. TERTIVM.

DIFICATIO. Hæc libris octo primis
 absoluitur. GNOMONICE. Decla-
 ratur libro nono, ea autem est quæ ex gnomo-